



Inatsisartut allattoqarfiat
Kultureqarnermut, Ilinniartitaanermut,
Ilisimatusarnermut Ilageeqarnermullu
Ataatsimiititaliaq

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamik tallimannorneq 7. maj 2010 isumasioqateqarneq**

7. maj 2010
Sagsnr. 2009-014603
Dok. Nr. 372226

Apeqqu 1:

"Periarfissaq 1" atorneqassappat tamatumani iluaqutissat ajoqutissallu suut Naalakkersuisunut ilaasortap takusinnaavai? Tassunga atatillugu kissaatigineqarpoq ilisimatitsissutigineqassasoq Naalakkersuisunut ilaasortaq qanoq iliuseqarniarnersoq suliffeqarnermi kattuffiit isumaqatigiissuteqarfigineqarsinnaangippata imaluunniit paasinarsissagaluarpas isumaqatigiiniarnerit sivilullutilluunniit imaannaanaviangitsut.

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

Akissut:

Periarfissaq 1.

Iluaqutissat:

- Inatsisissatut siunnersuut inatsisissatut sinaakkusiisussatut sulii pissuseqassaaq.
- Suliffeqarnermi kattuffiit susassaqtartullu attuumassutillit allat pisinnaatitsissummik aalajangersakkap atorneqarnerani tusarniaavigineqassapput.
- Pisinnaatitsissummik aalajangersagaq atorneqarpat suliffeqarnermi kattuffiit susassaqtartullu attuumassutillit allat aningaasaqarnikkut piviusunngortitsiniarnikkullu kingunerisassat pillugit tamakku pillugit aalajangersagaalertussanut isummaminnik saqqumiussissapput, tamakkualu atuutilersinneqarinnisaannut peqataassallutik.
- Aalajangersaganngortussat aaqqissuunneqarnissaat piffissaqarfigineqassaaq, suliffeqarfinnut mikinerusunut atorsinnaasunngornissaa naleqquttuusalluni.
- Aalajangersaganngortussani oqaasertassat tusarniaaffigineqartut peqatigalugit toqqarlugit oqaasertalersorneqassallutik.
- Inatsisissatut siunnersuutip akuerineqarnissaa periarfissinneqassaaq.

Ajoqutissat:

- Inatsisissatut siunnersuutip akuersissutigineqarnerani aningaasatigut kingunerisassai ilisimaneqassanngillat. Tamatumunnga atasumik nalilersorneqarsinnaavoq pisinnaatitsissummik aalajangersagassaq malinneqarsinnaasutut imaluunniit pinngitsoorani malitassatut oqaasertalerneqassanersoq. Malinneqarsinnaasutut oqaasertalerneqarnissaa iluarinarneruvoq, tassami aalajangersakkat erseqqinnerusumik aalajangerneqarsinnaassapput aalajangersakkat atuutilernissaannut atasumik aningaasaqarnikkut kingunerisassat eqqarsaatigalugit. Kingusinnerusukkat inatsimmut allannguutissamik Inatsisartut saqqummiussaqaarsinnaassapput, aningaasaqarnikkut kingunerisassat paasisaqarfigineqariissammata.

Suliffeqarnermi kattuffinnik susassaqtunillu attuumassutillinik allanik isumaqatiginninniarnert aalajangersakkat imarisassaas pillugit erseqqissumik isumaqatigiiffiunngippata, Naalakkersuisut sulii periarfissaqassapput pisinnaatitsinermik aalajangersakkap iluani erseqqinnerusumik aalaajangersagaliornissamut. Kisiannili isumaqatiginniarfissat peqatigalugit isumaqatigiissinnaanissaq tamatigut orniginarneruvoq, taamaaliornikkut aamma siunnersuut politikikkut tapersorsorneqarsinaassammat.

Suliffeqarnermi kattuffiit susassaqtullu attuumassutillit allat Naalakkersuisunit isumaqatigiissuteqarfigineqarsinnaassanngippata, Naalakkersuisuniit ataatsimiititaliaq ilisimatineqassaaq, naliliiffigisariaqalissammat inatsimmut allannguutissatut siunnersuuteqar-toqassanersoq.

Apequt 2:

"Periarfissaq 1" atorneqassappat tamatumani iluaqutissat ajoqutissallu suut Naalakkersuisunut ilaasortap takusinnaavai? Tassunga atatillugu kissaatigineqarpoq ilisimatitsissutigineqassasoq misissuinerit tusarniaanerillu taaneqartut qanoq sivistiginissaat naatsorsuutigineqarsinnaanersoq. Ilanngullugu kissaatigineqarpoq ilisimatitsissutigineqassasoq Naalakkersuisunut ilaasortaq qanoq iliuuseqarniarnersoq tusarniaanermut atatillugu inatsisilerinikkut, aningaasaqarniarnikkut ulluinnarniluunniit atuutsitsinikkut siunnersuutip timitalerneqarnissaanut aporfiusinnaasunik pingaarutilinnik uparuaasoqassagaluarpat?

Akissut:

Periarfissaq 2

Iluaqutissat:

- Allannguutissatut siunnersuummik saqqumiussisoqarsinnaavoq imaluunniit immikkut inatsisissamik saqqummiussisoqarsinnaavoq allagartalersuisarneq ussassaarusiortarnerlu kiisalu suliffeqarfinniit piginneqatigiinniillu allakkatigut saaffiginnissutit pillugit.
- Allannguutissat Inatsisartut inatsisaannut ilaatinneqarnissaannik ataatsimiititaliaq kissaataat naammassineqassagaluarpoq.

Ajoqutissat:

- Inatsisissatut siunnersuut inatsisitut sinaakkutaasutut isikkoqarunnaassaaq, taamaattumik paragraffit siunertanik imaqartut kiisalu nalinginnaasumik oqaaseqaatit naleqqussartariaqalernissaat pisariaqassaaq, periarfissaq 2 piviusunngortinniarneqassappat.
- Pingajussaaneerinninnissaq kingusinnerusukkut Inatsisartut katersuunne-ranni pisariaqalissaaq, periarfissaavorli aamma inatsisissatut siunnersuut maannakkutut isikkoqartillugu akuersissutiginnissaa. Taamaattoqassappat ataatsimiititaliaq kissaatigisai anguniarlugit kingusinnerusukkut inatsisissap akuersissutigineqartup allaannguutissaatut siunnersuummik saqqumiussiso-qartariaqassaaq imaluunniit immikkut inatsisissamut siunnersuummik saq-qummiussisoqartariaqassalluni.

Periarfissami 2-mi tusarniaanissamut piffissaritinneqartussa q minnerpaamik sapaatit akunnerinik tallimanik sivilissuseqassasoq naatsorsuutigineqassaaq, kiisalu piffissamik atuiffiussussatut naatsorsuutigineqassapput tusarniaanermi akissutigineqartut ilanngunneqarnissaat, siunnersuutip inatsisiliornikkut misissorneqarnissaa, kiisalu ilanngunneqartunik allannguutinillu nutserinissaq. Piffissamik naatsorsuineri ilanngunneqanngillat suliffeqarnermi kattuffiit susassartullu attuumassutillit allat pisariaqartitaannik misissuinissat. Aammalu piffissamik naatsorsuineri ilanngunneqanngillat inatsisissatut siunnersuutissap oqaasertassaasa suliarineqarnissaat, siunnersuutip kingunerisassaanik isummersuutit tamatumunnga ilanngullugit aningaasaqarnikkut kingunerisassat kiisalu Naalakkersuisut namminneq malitassiaat ilaatigut imaqtartut, Inatsisartut ukiaru katersuunnissaannut inatsisissatut siunnersuutit ilaatinniarneqartut kommuuninut tusarniaasutigalugit nassiunneqareersimassasut qaammatip majip aallartisimalernerani. Periarfissaq 2 atorniarneqassappat Inatsisartut naatsorsuutigissavaat allannguutissatut siunnersuut piaarnerpaamik aatsaat UPA2011-mut saqqummiunneqarsinnaammat.

Suliffeqarnermi kattuffinnik susassaqtunillu attuumassutillinik allanik isumaqatiginninriarnerit aalajangersakkat imarisassaat pillugit erseqqissumik isumaqatigiiffiunngippata, Naalakkersuisut suli periarfissaqassapput pisinnaatitsinerimik aalajangersakkap iluani erseqqinnerusumik aalajangersagaliornissamut. Kisiannili isumaqatiginniarfissat peqatigalugit isumaqatigiissinnaanissaq tamatigut orniginarneruvoq, taamaaliornikkut aamma siunnersuut politikikkut tapersorneqarsinaassammat.

Suliffeqarnermi kattuffiit susassaqtullu attuumassutillit allat Naalakkersuisunit isumaqatigiissuteqarfigineqarsinnaassanngippata, Naalakkersuisuniit ataatsimiititaliaq ilisimatinneqassaaq, naliliiffigisariaqalissammat inatsimmut allannguutissatut siunnersuuteqartoqassanersoq.

Apeqqu 3:

Eqqortumik paasinninnerua misissuinerit tusarniaanerillu taaneqartut taakkulu tunngavigalugit allannguutissatut siunnersuusiorneq imminni siunnersuutip pingajussaaneerneqarnissaanik maannakkuugallartoq kinguartitsissammata?

Akissut:

Aap.

Apeqqu 4:

Periarfissat taaneqartut marluk arlaat sorleq Naalakkersuisunut ilaasortap orniginartinneruaa?

Akissut:

Periarfissat taaneqartut toqqarlugit nalilersoreerlugit Naalakkersuisunut ilaasortaq isumaqarpoq periarfissaq 1 orniginarnerusoq. Ilaatigut tunngavigineqarpoq, soorlu apeqqu 1-mi taaneqartoq, inatsisissatut siunnersuut inatsisissatut sinaakkusiisutut suli isikkoqassammat. Tamatuma saniatigut suliffeqarnermi kattuffiit susassaqtullu attuumassutillit allat pisinnaatitsissumik aalajangersakkap atuutilernerani tusarniaaffigineqassapput. Soorunami tamanna aatsaat pisinnaavoq, aalajangersaasoqassappat malinneqarsinnaasumik imalimmik, taamaaliornikkut aningaasaqarnikkut kingunerisassat naleq- qutinngitsumik annertussuseqalissanngimmata.

Apequt 5:**Aningaasaqarnikkut pissutsit**

Kultureqarnermut, ilinniartitaanermut, ilisimatusarnermut ilageeqarnermullu Ataatsimiititaliap oqaatsinut politikki pillugu inatsisissamut isumaliutissiissummi uparuarpa, siunnersuummi taaneqaraluartut siunnersuutip aningaasaqarniarnikkut kinguneqartussaanginneranik oqarneq piviusorsioranilu akisussaassuseqanngitsuliornerusoq.

Naalackersuisut akissuteqaamminni isuma tamanna akueraat nangissutitullu ilisimatitsissutigalugu 2011-mut aningaasanut inatsisissamut siunnersuummi siunertanut makkununga 2,2 mio. kr.-inik immikkoortitsisoqarnissaa qinnuteqaatigineqassasoq:

- A. Kalaallit oqaasiinik atuartitsinermit atortussanik sanaartorneq
- B. Kalaallit danskillu oqaasiinik pikkorissartitsisarnernik amerlisaaneq
- C. Oqaatsinik atuarfinni tuluttut ilinniarneq
- D. Nutserisunik ilinniagartuutut qaffasissulimmik ilinniartitseqqitalernermik pilersitsineq.

Kalaallit oqaasiinik ilinniartitsinermit atortussanik sanaartorneq siuarsarniarlugu suliniutinik aallartitseqqullugit Naalackersuisut peqquneqarnissaannik siunnersuutip UPA10/153-ip (naatsorsuutigisamik) akuersissutigineqarnissaa tunngavigalugu Naalackersuisut suliniutissaannut imm. A-mi suliniut sutigut assigiinngissuteqarpa?

Tassunga ilanngullugu kissaatigineqarpoq ilisimatitsissutigineqassasoq imm. 153 akuersissutigineqassappat kalaallit oqaasiinik ilinniartitsinermit atortussanik suliaqarnissamut aningaasaliissutinik amerlanerusunik Naalackersuisut immikkoortitsiniarnersut?

Akissut:

Kalaallit oqaasiisa ilinniartitsissutigineqarnissaannut atortussanik pilersitsiniarneq isigineqassaaq aalajangiiffigisassatut siunnersuummut UPA2010/153-mut atasutut. Tamatumani saniatigut maluginiarneqartariaqarpoq siunniunneqartut siunnersuutitut pineqartunut marlunnaat matussusiisussaammata.

Ataatsimiititaliap apeqqutaanut Naalackersuisut immikkoortoq 153 akuersissutigineqassappat amerlanerusunik aningaasaliissuteqarnissamik pilersaaruteqarnersut, naalunaa rutigineqassaaq Naalackersuisut siunnersuummut amerlanerusunik aningaasaliissuteqarnissamik maanakuugallartoq pilersaaruteqanngimmata.

Apequt 6:

Suliniut imm. D-mi taaneqartoq oqaatsinut politikki pillugu inatsimmut sutigut attuumassuteqarpa? Ataatsimiititaliaq isumaqarneruvoq suliniut immikkut ittumik ilinniartitaanikkut qaffassaaniarnermit tunnganerusutut isigineqartariaqartoq, taamaattumillu oqaatsinut politikki pillugu inatsisip timitalerneqarnissaanut immikkut aningaasaliissutinik aningaasalersorneqartariaqarani.

Tassunga ilanngullugu kissaatigineqarpoq ilisimatitsissutigineqassasoq suliniutip imm. D-mi taaneqartup oqaasertalersorneqarnerani Naalackersuisoqarfimmut AIS11-mi aningaasatigut killiliussassat qaffanneqarnissaannik kissaateqarneq isumaliutinut ilaasimanersuq?

Akissut:

Immikkut suliniutitut isigineqarput imm. A, B aamma C. Imm. D suliniutinut atasutut isigineqassaaq. Suliniutit imm. A, B, C aamma D soorunami aatsaat piviusunngorsinnaapput Inatsisartunit 2011-mut Aningaasaqarnermut inatsisissaq taakkununngarpiaq tunngasutigut akuersissutigissappassuk.

Naalackersuisut ataatsimiititaliap suliniutip imm. D-mi taaneqartup immikkut ittumik ilinniartitaanikkut qaffassaaniarnermut tunnganerusutut naliliinera isumaqatiginngilaat. Ilinniartitaanikkut qaffassaaniarnermut suliniutit arfineq marlunnik immikkut suliniuteqarfigineqartunik siulliunneqartussanik immikkoortoqarpoq 2013-imi naammassineqartussatut naatsorsuutigineqartunik. Taakkununnga ilaanngilaq nutserisutut ilinniarneq, pingaartineqarmata inuusuttut ilinniartitaanerit, pisinnaasanik qaffassaalluni pikkorissaanerit, illuliorneq inuillu najugassaannik sanaartorneq il.il.. Tamatuma saniatigut Naalackersuisut isumaqarput nutserisutut ilinniarneq, konto 40.92.16, inatsisissatut siunnersuummut attuumassuteqartorujussuusoq.

Inussiarnersumik inuulluaqqusilluta

Mimi Karlsen